

Nr. Prot.071/B/18

VENDIMI Nr. 1288
Për
Definim të Tregut
“Qasja me shumicë brezgjërë “

Në mbështetje të Ligjit Nr. 04/L-109 për Komunikime Elektronike, neni 1, neni 10 paragrafi 5) neni 31, paragrafi 1) paragrafi 3.3) dhe paragrafi 4.1) dhe nenit 79 paragrafi 1) dhe paragrafi 2) (*tutje referuar si; Ligji*);, Rregullores Nr. 27 për Analizat e Tregut, (*Ref. ARKEP Nr. Prot. 039/B/14*), neni 3, paragrafët 1), 3) dhe 4), neni 4, paragrafi 3.13) (*tutje referuar si; Rregullorja për Analizat e Tregut*), Rregulloren për Sigurimin e Qasjes, Nr.Prot.012/B/11 (*tutje referuar si – Rregullorja e Qasjes*); Rregullorja për Interkoneksion, Nr.Prot.033/B/11; Rregulloren për Bashkë-shfrytëzimin e plotë dhe të përbashkët të lakut dhe nën-lakut lokal Nr. Prot. 024/B/11 (*tutje referuar si – Rregullorja për LLU*); Direktivës 2002/21/EC të Parlamentit dhe Këshillit Evropian të datës 7 Mars 2002 për Rrjetat dhe Shërbimet e Komunikimeve Elektronike (Direktiva Kornizë), Rekomandimit të Komisionit Evropian (2003/311/EC), e ndryshuar me Direktivën 2009/140/EC, së bashku me rekomandimin (2007/879/EC) e pasuar me atë të datës; 17 Dhjetor 2007 mbi produktet dhe shërbimet relevante të tregjeve të ndjeshme me rregullimin *ex-ante*; Udhërrëfyesin e Komisionit Evropian mbi analizën e tregjeve dhe vlerësimin e fuqisë së ndjeshme në treg sipas kornizës rregullatore për rrjetet dhe shërbimet e komunikimeve elektronike (2002/C 165/03); Vendimit Nr. 950 për Analizën e tregjeve të Analiza e Tregjeve të Qasje me shumice brezgjere dhe Qasja me shumicë bashk-shfrytëzim - LLU (duke përfshirë qasjen e ndarë) në laqet metalike dhe nën-laqet me qëllim ofrimin e shërbimeve të komunikimeve elektronike’ dhe Përcaktimi i Operatorit me Fuqi të Ndjeshme në Treg’ të datës; 15 Mars 2017, Nr. Prot. 017/B/17, Vendimet: Nr. 1033 Nr. Prot. 050/B/17,1061 Nr. Prot. 061/B/17 dhe 1168 Nr. Prot. 013/B/18; Raportit mbi Analizën e Tregut të Analiza e Tregjeve të Qasje me shumice brezgjere dhe Qasja me shumicë bashk-shfrytëzim - LLU (duke përfshirë qasjen e ndarë) në laqet metalike dhe nën-laqet me qëllim ofrimin e shërbimeve të komunikimeve elektronike’ dhe Përcaktimi i Operatorit me Fuqi të Ndjeshme në Treg’ (*tutje referuar si – Raporti*); në përputhje me dispozitat e nenit 13 paragrafi 1 dhe 5 i Statutit të Autoritetit Rregullator për Komunikime Elektronike dhe Postare (ARKEP), Bordi i ARKEP i përbërë nga,

- | | |
|----------------------|------------------|
| 1) z. Kreshnik Gashi | Kryetar i Bordit |
| 2) z. Nijazi Ademja | Anëtar i Bordit |
| 3) z. Hazir Hajdari | Anëtar i Bordit |
| 4) z. Bahri Anadulli | Anëtar i Bordit |
| 5) z. Shqiprim Pula | Anëtar i Bordit |

në mbledhjen e 33 të Bordit të mbajtur më datë 10 Dhjetor 2018, bazuar në shqyrtimin e materialeve dhe Raportit për analizat e tregut, i përgatitur nga Departamenti për Komunikime Elektronike, vendosi si më poshtë:

V E N D I M

- I. Tregu i **'Qasjes me shumicë brezgjërë'** është definuar për ndërmarrjen **"IPKO Telecommunications"** LLC .
- II. Tregu i qasjes me shumicë brezgjërë përfshinë të gjitha produktet e vetë-furnizuar me shumicë brezgjërë të ofruara mbi të gjitha rrjetet ekzistuese brezgjërë, gjegjësisht DSL, Kabllor dhe FWA dhe përfshinë të gjitha produktet dhe shërbimet e qasjes me shumicë brezgjërë për palët e treta, nëpërmjet të gjitha rrjeteve ekzistuese brezgjërë;
- III. Nga ky treg përjashtohen produktet e rishitjes.
- IV. Ky vendim është përfundimtar dhe hynë në fuqi ditën e nënshkrimit.

A R S Y E T I M

Në bazë të nenit 10 paragrafi 5) i Ligjit përcaktohet se Autoriteti *"Miraton vendimet në lidhje me përcaktimin e tregjeve përkatëse, kryen analizat e tregut dhe imponimin, si dhe tërheqjen e obligimeve të rregullatorit tek operatorët me fuqi të ndjeshme tregu"*.

Neni 31 paragrafi 1 i Ligjit përcaktohen se Analiza duhet të bëhet nga Autoriteti, kurse paragrafi 3.3) i këtij neni përcakton se Autoriteti ka të drejtë të bëjë një Analizë të tregut me vetiniciativë.

Neni 31 paragrafi 4) përcakton fazat e analizës së tregut, ku faza e parë është "përcaktimi i tregut relevant (produkti/shërbimi dhe shtrirja gjeografike), karakteristikat e të cilit mund të jenë të tilla për të justifikuar imponimin e detyrimeve referuar në nenin 32 të këtij Ligji.

Gjatë procesit të Analizës së Tregut të **"Qasjes me shumicë Brezgjërë"** pyetësorët u janë dërguar të gjitha ndërmarrjeve të Autorizuara për ofrimin e rrjeteve dhe shërbimeve të internetit .

Sqarimet esenciale të ndërmarrjeve të pyetura janë paraqitur dhe vlerësuar në Raportin '**Analiza e tregjeve të Qasje me shumice brezgjërë dhe Qasja me shumicë bashkë-shfrytëzim - LLU** (duke përfshirë qasjen e ndarë) në laqet metalike dhe nën-laqet me qëllim ofrimin e shërbimeve të komunikimeve elektronike' dhe **Përcaktimi i Operatorit me Fuqi të Ndjeshme në Treg (OFNT)**'.

Siç është cekur në Kapitullin II dhe të III të Raportit:

- tregu i qasjes me shumicë Brezgjere përbën një treg të veçantë dhe është definuar me mbulueshmëri në tërë territorin e Republikës së Kosovës (treg kombëtar), i cili përfshinë ofrimin e qasjes me shumicë brezgjërë në të gjitha produktet e vetë-furnizuar

me shumicë brezgjërë të ofruara mbi të gjitha rrjetet ekzistuese brezgjërë, gjegjësisht DSL, Kabllor dhe FWA, si dhe të gjitha produktet dhe shërbimet e qasjes me shumicë brezgjërë për palët e treta, nëpërmjet të gjitha rrjeteve ekzistuese brezgjërë;

Siç është cekur në Kapitullit III të Raportit:

- **“IPKO Telekommunications” LLC** ka pjesëmarrje prej mbi 40% në treg sa i përket ofrimit të shërbimeve të internetit përkatësisht qasjes me pakicë në shërbimet e bazuar 100% në infrastrukturën vetanake.

Andaj, është vendosur sikurse në dispozitiv të këtij vendimi.

Këshilla Juridike:

Pala e pakënaqur me këtë vendim mund të iniciojë konflikt administrativ në Gjykatën Kompetente, brenda tridhjetë (30) ditëve nga data e pranimi të Vendimit.

Prishtinë, 26/12/2018

Autoriteti Rregullator i Komunikimeve Elektronike dhe Postare

**Kreshnik Gashi
Kryetar i Bordit**

Aktvendimi i dërgohet:

- Operatorëve të Autorizuar të rrjeteve dhe shërbimeve të komunikimeve elektronike;
- Autoritetit Kosovar të Konkurrencës;
- Ministrisë së Zhvillimit Ekonomik
- Arkivit të ARKEP-it